



Broj: 18/01-11-4079-7/22
Zenica, 04.05.2022. godine.

Na osnovu člana 69. stav 3. i člana 70. Zakona o javnim nabavkama Bosne i Hercegovine («Službeni glasnik BiH», broj: 39/14) i preporuke Komisije za provedbu postupka „Javne nabavke mobilnih printera za potrebe Kantonalne uprave za inspeksijske poslove Zeničko-dobojskog kantona“, direktor Kantonalne uprave za inspeksijske poslove d o n o s i

ODLUKU
o poništenju postupka

Član 1.

Prihvata se preporuka Komisije za provedbu postupka „Javne nabavke mobilnih printera za potrebe Kantonalne uprave za inspeksijske poslove Zeničko-dobojskog kantona“ i **poništava** se postupak „Javne nabavke mobilnih printera za potrebe Kantonalne uprave za inspeksijske poslove Zeničko-dobojskog kantona“, za koju je na Portalu javnih nabavki objavljeno Obavještenje o nabavci broj: 7141-1-1-2-3-2/22 od 22.03.2022. godine.

Član 2.

Ugovorni organ će objaviti ovu odluku na web stranici Zeničko-dobojskog kantona www.zdk.ba.

Član 3.

Ova odluka stupa na snagu danom donošenja i dostavlja se ponuđačima koji su sudjelovali u predmetnom postupku javne nabavke.

Obrazloženje

U skladu sa Planom javnih nabavki predmetni postupak javne nabavke pokrenut je Odlukom o pokretanju postupka „Javne nabavke mobilnih printera za potrebe Kantonalne uprave za inspeksijske poslove Zeničko-dobojskog kantona“ broj: 18/01-11-4079/22 od 15.03.2022. godine.

Rješenjem broj: 18/01-11-4079-1/22 od 15.03.2022. godine, imenovana je Komisija za provedbu postupka „Javne nabavke mobilnih printera za potrebe Kantonalne uprave za inspeksijske poslove Zeničko-dobojskog kantona“.

Javna nabavka je provedena putem otvorenog postupka javne nabavke, a kriteriji za dodjelu ugovora je najniža cijena tehnički zadovoljavajuće ponude, sa svim popustima i bez PDV-a, dobijena nakon provođenja postupka e-aukcije..

Procijenjena vrijednost javne nabavke iznosi: 15.385,62 KM.

Obavještenje o nabavci predmeta nabavke objavljeno je na Portalu javnih nabavki, Obavještenjem broj: 7141-1-1-2-3-2/22 od 22.03.2022. godine.

Sa „Portala javnih nabavki BiH“ www.ejn.gov.ba do 08.04.2022. godine, tendersku dokumentaciju je preuzelo 11. ponuđača (*Izveštaj o preuzimanju tenderske dokumentacije od strane ponuđača preuzet sa Portala javnih nabavki BiH*).

Ponude su blagovremeno dostavili ponuđači:

Redni broj	Broj protokola	Naziv/ime ponuđača	Datum i sat prijema ponude
1	18-11-4079/22	Pro Comp d.o.o. Zenica	22.04.2022. 08.07.
2	18-11-4079/22	Inter-com d.o.o. Zenica	21.04.2022. 09.15.

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila da su pristigle ponude prihvatljive prema obliku, sadržaju i potpunosti za daljnju analizu i ocjenjivanje.

Komisija je utvrdila početnu rang listu ponuđača, prema vremenu predaje ponuda na protokol, kako slijedi:

Red. br.	Naziv i sjedište ponuđača	Ponuđena cijena bez PDV	Procijenjena vrijednost javne nabavke bez PDV-a
1.	“Pro Comp” d.o.o. Zenica	15.375,00	15.385,62 KM
2.	„INTER COM“ d.o.o. Zenica	15.375,00	

Za ovaj postupak je bila predviđena E-aukcija. E-aukcija je provedena putem Informacionog sistema e-Nabavke, Agencije za javne nabavke BiH, a u skladu sa Pravilnikom o uslovima i načinu korištenja e-aukcije („Službeni glasnik BiH“ broj 66/16).

Komisija za provođenje postupka javne nabavke je nakon detaljanog pregleda, izvršene evaluacije ponuda – pregleda i ocjene ponuda, unijela podatke o prihvatljivim ponudama u Informacioni sistem e-Nabavke i zakazala e-aukciju za dan 28.04.2022. godine u periodu od 09.00 – 09.30 sati. E-aukcija je uspješno provedena putem Informacionog sistema e-Nabavke.

S obzirom da su ponude samo dva ponuđača pristigle, te da su idetične po cijeni i nakon sprovedenog postuka e-aukcije, Komisija za javne nabavke nije mogla izvršiti rangiranje, a ujedno ni odabir najpovoljnijeg ponuđača u predmetnom postupku javne nabavke.

Članom 69. stav 3. Zakona o javnim nabavkama propisano je da ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

S obzirom da su u predmetnom postupku javne nabavke samo dva ponuđača podnijela ponude, koje su uredne i prihvatljive, te da imaju iste ponuđene cijene i nakon sprovedenog postuka e-aukcije, nije moguće izvršiti izbor najpovoljnijeg ponuđača, a što je van kontrole ugovornog organa i što se nije moglo predvidjeti u vrijeme pokretanja postupka javne nabavke, odlučeno je kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema iste. Žalba se izjavljuje Uredu za razmatranje žalbi, putem ovog ugovornog organa u najmanje tri primjerka.

Dostavljeno:

2x Ponuđači

1x a/a

